

# 敲蹻道人全集

利



唐山玉清观道学文化丛书


董沛文主编

席春生执行主编

唐山玉清观道学文化丛书

董沛文主编

席春生执行主编



敲蹻道人全集

利

宗教文化出版社

# 目

# 录

---

唐山玉清观道学文化丛书序一 任法融 / 1

唐山玉清观道学文化丛书序二 康志锋 / 3

唐山玉清观道学文化丛书序三 董沛文 / 5

《敲躋道人全集》序言 席春生 / 1

刘名瑞祖师 赵避尘 / 1

刘名瑞真人道行记 席春生 / 2

刘名瑞与桃源古观 / 3

《敲躋道人全集》导读 席春生 / 7

## 元册

《敲躋洞章》 / 1

《道源精微歌》(上) / 298

## 亨册

《道源精微歌》(下) / 447



《盤燬易考》/ 639

**利册**

《元汇医镜》(一) / 941

《元汇医镜》(二) / 1153

**贞册**

《元汇医镜》(三) / 1381

《元汇医镜》(四) / 1574

后记 席春生 / 1902

利册

民國己巳年

元彙醫鏡

敲蹕道人盼蟾子劉著

板存前門外楊梅竹斜街  
中間路北永盛齋刻字鋪

## 元彙醫鏡刊行序

國醫之不振、茲已極矣。上焉者、墨守古法、不思研進、下焉者、畧窺方書、侈然自足、致令古聖先哲、苦心孤詣所遺留之微言精義、湮而不彰、淺識之夫、或且肆爲詆歎、提倡廢棄、吾人廁身醫界、蒿目時艱、丁茲存亡絕續之交、能無棟折榱崩之懼乎。夫病症以時代而不同、學術因研究而進步、自神農嘗草、而定藥性、黃帝論病、而箸

內經厥後深思之士、憫時之哲、積經驗而成方書、竭思慮而闡理論、代有傳人、蔚爲大觀、但以科學未興、又兼事屬草創、故善爲取譬、涉想入微、是其所長、多方附會、不求甚解、是其所短、洎夫西醫東漸、出其勇往邁進之研究、與夫微妙驚人之手術、以與國醫相角逐、遂覺故步自封、瞠乎其後矣、夫祖先艱難創業、子孫安而享之、其恣意揮霍、蕩其先業者無論矣、卽不謀發展、

以述先志、但求自保、以守先業者、亦詎得謂爲  
象賢令子乎、元彙醫鏡一書、門分類別、方驗證  
備、述國醫之源流、集先哲之故訓、誠醫界數千  
年來、薪傳菁萃也、所願讀是編者、毋徒承嗣師  
說、以探討古聖先賢之微言精義已也、當更思  
本固有之學術、作改進之研究、用科學之組織、  
彌國醫之缺憾、俾克發揮而光大之、庶不愧爲  
國醫界象賢之令子、抑亦斯編刊行之微意也

序

夫、是爲序、

古樂郊朱崑山拜序



自序

天道人醫論

醫者意也。惟志惟善。莫不以心術而求取精微。然後漸開通徹。識覺奧究。博悟格物。方可豁達陰陽。天之定數。理之法數。地養人生。乖戾而淳善平。蓋陰陽者。卽無極動靜之真機。無極一萌化爲太極。而太極卽天乙之精氣。從窅冥中來樞而發之。自感先天交合之理。而後方有兩儀。三才。四象。五行。六合。七返。八卦。九宮。十極之變化矣。是故聖人知此法。究頓開機。緘闢破鴻濛。卽千變。

萬化亦由此而得也。原夫體立天之道曰陰與陽，立地之道曰柔與剛，立人之道曰仁與義。而究其根原者皆屬一脈之端本也。謂此大聖人者卽儒所云盤古開闢始立天地之祖。道云元始天尊立教爲先。釋云太初古佛爲西天二十八祖之始祖。凡三教之原乃一聖所化。而尊稱不一矣。奈因宗範各立而後派分固執專門者甚多。而弊謬毀謗者亦復不少。大抵究其實得真命脈者能有幾人哉。夫從今而棄古大道已廢其不聞自初

劫。天地人造生物化皆本於道。嗣後三皇修之以備功成壽永。超出天地之外。繼裔燧人氏鑽木取火。宜遺裕後。有巢氏構木爲巢。遺預民居。伏羲氏畫卦書圖。造方策而立天之象。女媧氏自補乾天之虧盈。喻自補者乃已之修養也。神農氏撰百草濟療民疾。辨藥性始究息脈。有熊氏問岐伯而作內經。考鍼灸例本草而發明靈樞之素問。巫彭伊尹創煎丸藥。斯後立按摩並經絡養生等法。無一不備。亦施預後世矣。夫天地間之至真者。

莫大於陰陽。陰陽卽動靜。靜而長。動而消長。則滿滿而溢。溢卽有虧。虧以息補。補之又盈。盈極能虛。虛則能通。通則能變。變達日久者。無欲知空。空卽穴工。而聖凡之道。卽人鬼分界之地。借此而成造化。惟聖者。踐形盡性。始能爲此也。喻天卽人。原無二致。蓋言乾坤之闔闢。卽人身中之呼吸。晝夜之潮汐。卽人週身之脈息。故內經曰。五運六氣。而民病因之。易曰。以道陰陽之奧。闡明其指。伏羲卦位。分兩儀之體象。文王卦位。明五行之精。

微對待流行交感之妙解而發明先後二天之理原屬  
一也。蓋天地間有形有氣有質有體皆稟於此故萬物  
得其真氣而變化莫測體之者亦無盡矣。乾卦者盡於  
午。坤卦者盡於子。當應二至之節令爲此天地之中衝  
也。而上下以判人身之上下所以有升有降而運行不  
息也。離體盡於卯。坎體盡於酉。當應二分之節令爲此  
陰陽之中半也。而左右以分人身之左右所以有清有  
濁而沐浴生殺也。圓圖象天其陽在東南故天不足西

北人身之耳目所以左明於右也方圖象地其剛在西北故地不滿東南而人身之手足所以右強於左也夫人之一身配合天地不過體此脉絡之道耳故曰醫與道相爲表裏只在先後之悟先天卽生身立命之祖氣始知父母未交之前先有此氣故釋家曰父母未生以前本來面目識此以修成佛道家曰無極之鄉天地靈根一點真陽修此金仙故中庸曰博厚配地高明配天慈久無疆如此者不見而章不動而變無爲而成天地

之道可一言而盡也。其爲物不貳，則其生物不測。天地之道博也、厚也、高也、明也。此言先天之氣無所不能也。後天者，有形、有質、有無情、有有情、有溼化、有風生、均稟肺火、鼓氣而形成。古聖曰：凡一切有形者，皆不能長久。故有死生之委任矣。今人寢失先天之學，以後天求之，認爲養身立命，因名利所縛，老之將至，猶不參究悔之晚矣。夫醫易道，古今不一。有神醫、有人醫、神醫者，先治己，而後濟人有準。曰：如何是治己之法？由壯歲用志不

意方搜羣集覓閱丹經子書訪求至人謹懇授受方知  
貫一之學而道可道以精氣合元神爲之繫料以無漏  
洩爲之調養以採攝歸消爲之炮製以丹成九還爲之  
服纂以立命而弗死爲之痊愈以了脫超凡爲之醫畢  
古聖曰惟吾色身一大虛幻是患也備防其可不畏光  
陰迅速到頭來空空墮去業滿尸骸若夫體此真修而  
道成顯化度世無不應驗或著方術而用藥或祝國而  
佑民或起死而噓枯普濟澆滴之厄何用多勞徧觀宇